

November
2009Posbus 20
Hermanus 7200

	Telefoon	Faks
Hermanus	028 313 8000	028 313 1894
Gansbaai	028 384 8300	028 384 0241
Kleinmond	028 271 8400	028 271 4100
Stanford	028 341 8500	028 341 0445
24 Uur Beheerkamer Brandweer	028 313 8000/8111 028 312 2400	

Bulletin

Amptelike nuusbrieff van Munisipaliteit Overstrand

Bou van SSG-verligtingspad begin amptelik

STASIETERREIN-ONTWIKKELING KRY DIE GROENLIG

Op 1 Oktober 2009 is goedkeuring deur die Wes-Kaapse LUR vir Plaaslike Regering, Omgewingsake en Ontwikkelingsbeplanning, mnr. Anton Bredell, verleë vir die wysigings aan die voorwaardes vir die hersonering van die Hermanus-stasieterrein.

Dit beteken dat die beplande ontwikkeling op hierdie terrein deur Shoprite/Checkers Suid-Afrika kan voortgaan en dat hierdie belangrike element in die herlewing van Hermanus se sentrale sakegebied nou tot uitvoer kan kom.

Op dieselfde tyd as wat die aankondiging gemaak is, is daar amptelik met werk aan die SSG-verligtingspad begin. Die eerste fase van die projekte behels die bou van die noordelike verkeerssirkel, en dit sal nie 'n groot impak op die normale verkeersvloei deur die dorp hê nie. Parkering by die Verenigde Kerk en die Hermanus-laerskool vanuit Royalstraat sal herlei word na die terrein aan die voet



Raadslede, amptenare en sakeleiers het op 5 Oktober nader gestaan om die swaar padoemasjinerie wat in die konstruksie van die verbypad gebruik gaan word, te bekijk.

van Hoy se Koppie.

Die voorwaardes vir die hersonering het, onder meer, die ontwikkeling beperk tot 'n bruto verhuurbare area van 7240m², 'n

minimum van 35 residensiële eenhede, ondergrondse parkering vir ten minste 342 motors, straatparkering vir minstens 160 motors en 'n gebou wat bo die grond uit

twee verdiepings bestaan met 'n derde verdieping as bedekte solder. Dit beteken dat 'n visuele korridor en as tussen Hoy se Koppie en die kus behou word.

Volgens die goedkeuringskrywe moet die argitektoniese styl van die ontwikkeling versoenbaar met die ou stasiegebou en ander aangrensende en naasliggende historiese geboue wees, welke geboue se karakter ter bevrediging van die munisipaliteit se direkteur vir infrastruktuur en ontwikkeling beskerm moet word.

Burgemeester Theo Beylvelde het hierdie besluit verwelkom en het gesê dat hierdie goedkeuring, tesame met die bou van die verligtingspad wat amptelik op 5 Oktober 2009 'n aanvang geneem het, baie vir die herlewing van Hermanus se SSG sal beteken. In onlangse jare is verskeie ander opgraderingsprojekte vir areas soos die Cliff Tops, Gearingspunt en Markplein onderneem.



Gaste by die ingebruikneming het die geleentheid gehad om deur die aanleg te stap en na al die prosesse te kyk. Voor staan Stephen Muller en Anton Coetsee. In die agtergrond kan Burgemeester Theo Beylvelde en Onderburgemeester Pieter Scholtz gesien word.

WATERWERKE IN GEBRUIK

Gansbaai se nuwe watersuiweringswerke op Franskraal is op 15 September 2009 amptelik in gebruik gestel. Die ontwikkeling van dié aanleg en verwante infrastruktuur is die grootste enkele kapitaalprojek wat nog deur Munisipaliteit Overstrand aangepak is en het meer as R44 miljoen gekos.

Volgens mnr. Stephen Muller, Direkteur van Infrastruktuur en Beplanning, kan die munisipaliteit nou in die normale behoeftes van die gemeenskap vir die volgende dertig jaar voorsien en in die piektydbehoefte vir

minstens die volgende tien jaar. Hy meen die Overstrandse raad verdien lof vir hul langtermynvisie in hierdie verband.

Die Franskraal-suiweringswerke was 'n hoë prioriteit, want die kapasiteit van die aanleg het ver agtergeraak by die behoeftes van die gemeenskap, veral in piektye. Areabestuurder Kat Myburgh het by die geleentheid vertel hoe hoog die spanning geloop het toe die reservoires nege jaar gelede op die vooraand van die Desember-vakansiepiek leeggeloopt het.

NUWE RAADSLEDE ERVARE

Rudolph Smith van die Demokratiese Alliansie en Phillipus May van die ANC is op 23 September 2009 as raadslede van Overstrand verwelkom. Hulle vul die twee vakatures vir proporsionele raadslede wat met die bedankings van raadshere Verrell Herbert en Willie Smuts ontstaan het.

Intussen is ook bekend gemaak dat rdl Jan Gelderblom (ANC) as een van Overstrand se raadslede by die Overbergse Distriksmunisipaliteit aangewys is.

Die 42-jarige Smith, wat in Hawston woon en 'n oudleerling van die Swartberg Sekondêre Skool op Caledon is, is glad nie onbekend met plaaslike owerhede nie. Hy het al as raadslid by die Swellendamse Munisipaliteit en die Overbergse Distriksmunisipaliteit gedien, waar hy 'n ruk lank lid was van die Burgemeesterskomitee en van Koöperatiewe en Gesondheidsdienste omgesien het. In die jare negentig het hy ook die ampte van Burgemeester en Onderburgemeester in die Botrivierse Oorgangsraad beklee.

Hy het in 2006/07 in die uitvoerende komitee van die Wes-Kaapse tak van SALGA gedien en was ondervoorzitter van die Sektoriale Onderwys- en Opleidingsagentskap vir Plaaslike Owerhede in die Wes-Kaap. Hy het in dié tyd ook in die



Premier se Ekonomiese Forum (Landelike Divisie) en in die Wes-Kaapse Arbeidsforum (Landelike Afdeling) gedien. Smith het sy loopbaan by 'n saagmeule op Botrivier begin en het ook in die vakbondwese ervaring opgedoen.

Die 50-jarige May, ook van Hawston, het in die termyn van 2000 tot 2006 by sowel Overstrand as die Overbergse Distriksmunisipaliteit gedien. Hy was vir drie jaar onderburgemeester van die Distriksmunisipaliteit en verantwoordelik vir die Finansies-portefeulje. As lid van die plaaslike welsynskomitee, die Brewelskloof-hospitaalraad en verskeie provinsiale komitees het hy 'n goeie idee van die verstand van die gemeenskap en hy het ook 'n sterk belangstelling in sport en rekreasie. Hy is ook 'n produk van die Swartberg Senior Sekondêre Skool en het 'n kwalifikasie in biblioteek- en inligtingkunde aan die Universiteit van die Wes-Kaap behaal.

REGIMENT OEFEN SY VRYHEID UIT

Regiment Westelike Provinsie (RWP) sal sy reg van vryheid tot toegang tot Munisipaliteit Overstrand op Saterdag 7 November 2009 om 11:00 in Hermanus uitoefen, gevolg deur 'n deurbeweeg van militêre voertuie in ander areas van die munisipaliteit later daardie dag.

Die parade sal in Magnoliastraat voor die Munisipale Kantore begin, waar die troepe deur die Burgemeester geïnspekteer sal word. Hierna sal 'n prosesie met 'n militêre orkes, 'n kompanie soldate op voet en twaalf Mamba-voertuie deur die middedorpsmarsjeer.

Die reg van vryheid is in 2006 aan die eenheid toegeken weens 'n jarelange verbintenisse met RWP. Baie mense uit die streek het gedurende die Tweede Wêreldoorlog by die regiment aangesluit. Sedertdien het die eenheid betrokke geraak by die jaarlikse diens in Hermanus ter herdenking van die wapenstilstand op Papawerddag.

Hierdie tradisie sal vanjaar voortgesit word met 'n kranseleggeremonie wat op dié Saterdag om 09:30 by die Senotaaf op Markplein bo die Ou Hawe sal plaasvind, en nie op die Sondag soos die gebruik is nie. Ten tyde van hierdie geleentheid sal diegene wat hul lewens verloor het deur militêre diens vir hul land te doen, onthou word.

Hierdie geleentheid gaan ook die 75ste herdenking van Regiment Westelike Provinsie gedenk. Die eenheid is op 7 September 1934 gestig en is vyf jaar later vir die Tweede Wêreldoorlog gemobiliseer. In 1977 het dit 'n aktiewe rol in Suidwes-Afrika/Namibië vervul, waar vyf skutters gesterf het en 71 in 'n treinongeluk beseer is, en het hulp aan die SAPolisie ten tyde van 1980 se noodtoestand verleen. Ten volge by die SANasionale Weermag in 1994 geïntegreer, het die RWP sedertdien deelgeneem aan "Exercises Thunder Chariot", Kobra en "Revelation" en is in Desember 2008 met groot sukses op die grens met Zimbabwe naby Mussina ontplooi.



Korporatiewe drag vir motorwassers

Standard Bank doen sy deel om werkskepping in die Overstrand-gebied te bevorder. Toe die plaaslike tak deur die Munisipaliteit se Direkoraat Ekonomiese Ontwikkeling genader is om eenvoudige drag vir 'n groep van 20 motorwassers te borg, was hulle reaksie om T-hemde, kepse en waterbottels vir die motorwassers se gebruik te skenk. Uitgedos in hul nuwe vere is, van links, Sulilani Nazo, Solile Mpuma, TN Sonamzi, John Sibungile Themban, Velile Mpuma en Khangelani Ngamtweni. Agter hulle is Lollie Viljoen, takbestuurder, Niel Liebenberg, sakebankier, Thembi Malinga, LED-beampte, en Soli Madikane, Direkteur: Ekonomiese Ontwikkeling.

OVERSTRAND KUNSTE BEDRYWIG

Overstrand Arts / Kunstes (OAK) is vroeër vanjaar 'gebore', en dit is ons missie om uitstekende gehalte in al die uitvoerende kunste te bevorder en van Hermanus die kunsmekka van Overstrand te maak.



- 29 November
Black Tie Ensemble
- 4 en 5 Desember
Twaalfde Nag (drama)
(Afrikaans)

Besprekings by
Bellini's Tel 028 312 4988

KONSERTPROGRAM VIR DIE OUDITORIUM

- 17 November
Ben Schoeman, Pianis

Rig gerus enige navrae of voorstelle aan René du Plooy by 028 312 1895 of selnummer 082 940 4238 of e-posadres rene.dup@telkomsa.net

BOBBEJAANOPNAME OP WEBTUISTE

Bobbejane is 'n bron van groot ergeris vir baie inwoners van Overstrand, en daarom het die munisipaliteit hom voorgeneem om die probleem te bestuur en konflik te verminder deur bobbejane uit dorpsgebiede te hou.

Bobbejaanmoniteerders en 'n elektriese heining is onder die maatreëls wat ingespan word om te sorg dat dié diere in hul natuurlike habitat bly.

Tog blyk dit uit klagtes wat ontvang word dat die bobbejane steeds daarin slaag om woongebiede binne te kom en hier te kom wei. Omdat bobbejaanmoniteerders slegs gekontak word wanneer daar ernstige insidente voorkom, het munisipale besluitnemers nie genoegsame data om te kan bepaal hoe groot die probleem is nie.

Om die rapportering van waarnemings makliker te maak, het die munisipaliteit nou 'n webtuiste daarvoor geskep. Dit kan maklik by wyse van skakels vanaf die webtuiste www.overstrand.gov.za of vanaf die Gemeenskapsforum op die webtuiste bereik word of deur die volgende URL te gebruik: <http://baboons.overstrand.gov.za>

Met slegs 'n paar klikke van die muis kan die vorm voltooi en ingedien word, maar daar is ruimte vir kommentaar indien 'n rapporteerder iets wil vermeld.

Inwoners wat gereeld deur bobbejane besoek word, kan toegang tot die vorm op hul rekenars se "desktop" plaas deur in Internet Explorer onder "File" op "Send" te klik en dan "Shortcut to Desktop" te kies.

Deelnemers sal ook op die webtuiste kan sien hoeveel rapporterings al gedoen is en waar die bobbejaanbewegings voorgekom het.

Die rapporteringstelsel is baie eenvoudig, en met die samewerking van almal kan 'n behoorlike databasis opgebou word wat besluitneming sal vergemaklik.

POLICE COMMUNITY FORUM



HELP POLISIE OM MISDAAD TE BESTRY

Polisiegemeenskapsforums handel kragtens die Polisiewet en het, onder andere, ten doel om vennootskappe, kommunikasie, gesamentlike probleemidentifisering en gesamentlike probleemoplossing tussen die SA Polisediens en gemeenskappe te bevorder.

Gemeenskappe is onlangs na vergaderings genooi waar die SAPD misdaadstatistiek verskaf het en misdaadpatrone in hul streke geïdentifiseer het. Voortspruitend hieruit is die vyf hoofprioriteite vir polisiëring geïdentifiseer.

By die vergaderings in die Overstrand-area het dit duidelik geblyk dat die "Groot 5"-misdaad in ons streek inbrake, diefstal, aanranding, mariene georiënteerde misdaad en dwelm- en alkoholoortredings is.

As ons regtig die "Groot 5" in Overstrand

wil uitroei, moet ons as gemeenskap die verantwoordelikheid aanvaar om die Polisie van hulp te wees in die stryd teen ons gemeenskaplike vyand: misdaad. Daar word 'n beroep op gemeenskapgebaseerde organisasies gedoen om hulle met die forums in ons onderskeie dorpe te affilieer. Gemeenskappe word ook aangemoedig om aan bewusmakingsveldtogte deel te neem, wat in samewerking met die SAPD beplan word. Kom ons hou Overstrand misdaadvry.

Ons nader die feesseisoen. Laat ons almal op ons hoede wees en weet dat misdadigers nie met vakansie is nie. Om die waarheid te sê, hulle is 24 uur van die dag en sewe dae van die week bedrywig. Ons wens julle almal 'n misdaadvrye feesseisoen toe.

Skakel Hennie Westraad van Hermanus se Polisiegemeenskapsforum op 082 820 4811 om suksesresepte vir die bekamp van misdaad uit te ruil.

WÊRELDOMGEWINGSKALENDER: N' 8

GROOT VOËLKYKAVONTUUR 2009 Help navorsing oor en bewaring van voëls

Die jaarlikse Sappi Bird Life South Africa Groot Voëlkykavontuur gaan vanjaar op Saterdag 28 November plaasvind. Dit is 'n jaarlikse "kompetisie" onder Suid-Afrikaanse voëlkykers om te kyk wie kan die meeste voëlspesies raaksien as ook 'n geleentheid om fondse vir die bewaring en monitoring van voëls in te samel. Meer as 15% van Suid-Afrika se voëls word in Eskom se Rooi-databoek van Voëls gelys en baie het dringend bewaringsintervensies nodig.

Daar is drie kategorieë (reëls is op al drie van toepassing) waarin deelgeneem kan word:

1. Tuinkategorie (stedelik): teken al die voëls aan wat jy gedurende die 24-uur-tydperk in jou tuin sien of hoor;
2. SABAP2-kategorie (Suid-Afrikaanse Voëlatlasprojek): slegs geregistreerde atlasers aan wie nommers as waarnemers vir die Eenheid vir Dieredemografie toegeken is, mag deelneem;
3. Tradisionele Voëlkykdag-kategorie (vier subkategorieë): tel die aantal voëls in 'n 50km-radius met behulp van spanne wat uit drie tot vier men-



Foto: 'n Alledaagse tuinbesoeker, die Gewone Janfrederik (Engels: Cape robin) – Die voël van die jaar

se bestaan.

Die top drie wenners in elke kategorie ontvang sertifikate van erkenning. Uiteraard mag slegs vrylewende voëls aange-teken word – geen voëls in hokke nie! Verskeie pryse sal by wyse van 'n gelukkige trekking uitgedeel word. Hierby ingesluit is naweek-wegbreke, boeke, begeleide toere en vele meer. Om meer besonderhede oor die geleentheid en die volledige lys van pryse te verkry, besoek www.birdlife.org.za

NASIONALE BEDROG
BLITSLYN

0800 701 701